

Na osnovu člana 59. Zakona o budžetima Federaciji Bosne i Hercegovine ('Službene novine Federacije BiH' br. 102/13, 9/14, 13/14, 8/15, 91/15, 102/15, 104/16 i 5/18), te člana 107. Statuta općine Ilijaš - prečišćeni tekst ('Službene novine Kantona Sarajevo' br.20/09), Općinski načelnik donosi :

P R A V I L N I K

o donošenju odluke o internoj preraspodjeli odobrenih budžetskih sredstava

Član 1.

Ovim Pravilnikom utvrđuje se postupak za donošenje odluke o internoj preraspodjeli odobrenih budžetskih sredstava u okviru ukupnog iznosa odobrenog budžeta budžetskih korisnika.

Član 2.

Budžetski korisnici mogu podnijeti zahtjev za internu preraspodjelu sredstava najviše do 10 % ukupno odobrenih rashoda operativnog budžeta budžetskog korisnika.

U okviru odobrenog Budžeta preraspodjela sredstava izuzetno je dopuštena između korisnika, najviše do 10 % ukupno odobrenih rashoda korisnika sa kojeg se prenose sredstva.

Iznos iz stava 1 ovog člana ne obuhvata naknadne izmjene i dopune budžeta.

Preraspodjela iz stavova 1. i 2. ovog člana ne odnosi se na dio operativnog budžeta u dijelu bruto plata i doprinosa, kao i naknada troškova zaposlenih i općinskih vijećnika.

Odgovornost za poštivanje ograničenja iz stava 1. ovog člana snose budžetski korisnici.

Član 3.

Izradu prijedloga odluke vrši Šef odsjeka za budžet i trezor.

Mogućnost preraspodjele sredstava se utvrđuje na osnovu podataka i uvida, te raspoloživosti sredstava po pojedinim organizacionim i ekonomskim kodovima na dan pripreme pripreme odluke o internoj preraspodjeli sredstava.

Ako se kontrolom utvrdi da je interna preraspodjela sredstava moguća, Šef odsjeka za budžet i trezor izrađuje prijedlog odluke o internoj preraspodjeli i dostavlja Općinskom načelniku na odobrenje.

Član 4.

Nakon donošenja odluke, Šef odsjeka za budžet i trezor vrši provođenje odluke u planu budžeta za fiskalnu godinu, te šalje odluku na objavu u službene novine.

Član 5.

Stupanjem na snagu ovog Pravilnika prestaje da važi Uputstvo o donošenju odluke o internoj preraspodjeli odobrenih budžetskih sredstava br. 01/2-14-69/13 od 04.01.2012.godine.

Član 6.

Ovaj Pravilnik stupa na snagu danom donošenja.

Broj : 04 / 3 – 14 – 1300 / 18
Ilijaš, 06.06.2018. godine



OPĆINSKI NAČELNIK

Akif Fazlić, dipl.ecc.

